

GRATVLATIO.



X 1997462

In den Allererleuch-

testen durch Gott / vnd Heiligsten M.

Thobiam Mollerum, Astronomum Crimni-

censem, den letzten Noa vnd Propheten/nicht allein der Jü-

den/sondern der ganzen Welt/der sich in diesem 88. wun-

der Jahr/nach der alten Weissagung / durch Gottes

wunderliche Gnade/zu Zwickaw/mit seiner

wunderbaren Prophecey/wunders-

lich hören vnd sehen
lesset.



Geschrieben.

Zur Inuestitur vnd einleitung zu die-

sem seinem Göttlichem Propheten ampt/vnd

zur Dancksagung für die/in seiner weis-

sagungge erzeugete Ehren-

tittel.

Durch

Zachariam Riuandrum, der heiligen Schrifte

Doctorem / vnd Bibersteinischen Superintens-

denten zu Forst / etc.

Anno M. D. LXXXVIII,



An den Leser.

Ehrfurchtlicher vnd freundlicher lieber Leser/mir
zweiffelt gar nicht / du wirst selber als ein
Christ verstehen / was von der Jüdischen
Weissagung M. Thob. Moil. zu halten / doch
das du so viel desto mehr grund habest / soltu auff
künfftigen Weinachtē marckt/wils der liebe Gott/
ausfürlichen Bericht bekommen / vnter des wol-
lestu dis mein schreibē / das ich dir zur kurzweil/vñ
ihm zum verdries / da ichs heut dato ansichtig
worden / also ex tempore kurz gefasset / für lieb neh-
men / vnd wissen / das er mir vrsach darzu geben / in
dem er mit leichtfertigen worten mein Person vnd
Ampt antastet / bis mein ander vorgedacht Scrip-
tum fertig / denn solstu erfahren / das er ein rechter
Mammeluck / Apostata, Fantast / vnd Han Pro-
phet sey vnd bleibe / vnter des / behalt von diejem
meinem Schreiben das Deutsche Sprichwort /
Narren sol man mit Kolben lausen / etc. Vale.

Dem Allererleuchttesten durch Gott /
vnd Heiligsten / M. Thobiae Mollero Grimmii
censi / dem letzten Noa vnd Propheten / nicht allein
der Juden / sondern der ganzen Welt /
meinem besondern guten
Freunde / etc.

Aller erleuchttester durch Gott vnd Hei-
ligster der letzte Noa vnd Prophet der ganzen
Welt / Ewer Allererleuchtigsteit vnd Heiligste-
keit / sind meine vnterthenigste vnd gehorsamste
Dienst / beneben fleissigem Gebete für Ewer Allererleuchtigst-
keit vnd Heiligsteit glückseligen anfang / mittel vnd ende zum
neuen Judenthumb / freundlich vnd vnderthenig zuuorn / etc.
Allererleuchtigster vnd Heiligster Noa vnd Prophet / Als
Anno 1584. Ewer Allererleuchtigsteit vnd Heiligsteit zum
erstenmal / in der Vorrede vber ihren grossen Schreib Calen-
der / der zu Leipzig feil zu haben verboten / mit grosser weisheit
vnd bescheidenheit / den anfang zu dieser Ewer Allererleuch-
tigsteit vnd Heiligsteit Prophecey machten / vnd dorin ver-
blümeter weis anmeldeten / das Ewer Allererleuchtigsteit
vnd Heiligsteit von Gotte dem Allmechtigen / durch den An-
no 1572. sonderlichen vnd neuen Cometstern / der ganzen
Welt zum letzten Noa vnd Propheten (der die noch vbrigen
geengsten Herzen vnter den Juden / mit der wieder auff ein
new auffrichtung ihrer Policiey zu Jerusalem / vnter irer lang-
wirigem bedrengnis trösten / vnd die zeit des Jüngsten Tages
ausrechnen sol) geordnet / bin ich ohne ruhm zu reden / der eis-
ter gewesen / dem Gott die Gnade gegeben / der es besser / als
viel andere / hat mercken vnd in acht nemen können / dafür ich
im denn hoch dancksage / etc.

A ij

Mit

Mit was für vberaus grosser freude aber / vnd lust mei-
nes Herzens / ich solchs erfahren / verlesen vnd angenommen /
ist nicht auszusprechen. Ewer Allererleuchtigsteit vnd Hei-
ligsteit glaub mir bey meinen waren Worten / das ichs so offte
mit herzlichlicher freude vnd begier vbersehen / das ichs fast
aussenwendig gelernet / ehe ich Ewer Allererleuchtigsteit vnd
Heiligsteit hohen Göttlichen Sinn verstehen vnd fassen könn-
ten / so gar war das hundert in das tausent geworffen / damit
E. All. Er. vnd Heil. ja dem Wide die Esels ohren bishierher
verbergen wollen. D wie offte hab ich das liebe Büchlein zu
Pilati Opffer gebraucht / wie offte hab ich es vnter meine knie
geleget / vnd zu Gott geschrien / er wolle mir das verstendnis
eröffnen. So bald ich dieser meiner Bitt gewehret / vnd Ewer
Aller Erleuch. vnd Heilig. Prophetischen verstand ergründet /
hab ich von stunden an gedacht / das mir nicht gebüren wolle /
mein Pfund zu vergraben. Weil ich aber keine sonderliche
gelegenheit / bis ein fürnehmer Freyherr / dem solch Ewer All.
Erleuch. vnd Heill. sinn auch seltsam furkam / an mich schrie
be / ich sollte / ob ich E. All. Erl. vnd Heil. hoheit erreichen könn-
te / ihm etwas von solcher neuer Prophetischen Geheimnis
mittheilen / thet ichs warlich mit solcher trew vnd fleis / das
mirs gedachter Freyherr nicht allein grossen danck sagte / sons-
dern auch eine statliche verehrung schickte / welches durch diesen
Freyherrn sein Gnad / andern vielen Leuten / ferner mitgetheil-
et worden / die denn folgendes doraus Ewer All. Erleuch. vnd
Heill. viel lieber gewonnen / welches Scriptum auch zu beför-
derung E. All. Erleuch. vnd Heil. Göttlichen fürhaben nun
mehr neben andern hierzu dienlichen / auff künfftigen Weis-
nachten marckt wils Gott / publiciret werden sol / vnd hette
ichs wol eher gethan / wo ich nicht gedacht / das E. All. Erleu.
vnd Heilig. zu wieder sein möchte / weil es dieselbe noch heim-
lich haben / vnd bis in diß Jahr auffziehen wolte. Nichts desto
weniger

weniger aber/hab ich von solchem E. All. Erleuch. vnd Heil.
Göttlichen fürhaben/das ich mich immer allmehlich in Ewer
All. Erleuch. vnd Heil. Gesellschaft einflechten/ vnd in der
auffrichtung des neuen Judenthums / ein fürnehmes ampt
bekommen möchte. Für zweyen Jahren in meinem gedruckten
Tractet vom alten vnd neuen Calender / wie sich gegen ei-
nem solchen durch Gott Allererleuchtesten vnd Heiligsten
Propheten gebüret/nach wurden der orter/Person / vnd ampt
etwas erwehnet/wiewol nicht namkundig / darmit wenn sol-
cher Kazenschaz für der zeit offenbaret / er nicht seine autho-
ritet/Ansehen vnd Geruch verliere / vnd der Prophet selber
nichts darvon bekomme/das denn / wie aus E. All. Erleuch.
vnd Heil. jziger Prophecey zu ersehen/ ihr so wol gefallen/
das sie mich zur Dancksagung / mit viel sonderlichen vnd
grossen Ehrentitel begabet/ wie das des Geistes der Ewer All.
Erleuch. vnd Heil. treibet/art vnd eigenschafft ist. Denn das
ist wol eigentlich vnd gewis war/ das wo ich E. All. Erleuch.
vnd Heil. nicht ein sonderlichen hoch angenehmen dienst doran
erzeiget/würde sie meiner/entweder wie des indocti AEmuli
gar nicht mit nehmen / oder doch mit schlechten worten/ wie
des Fahr in walds gedacht haben / so aber das ich fürnemlich
E. All. Erleuch. vnd Heil. zu ihrem Prophetischen vorhaben
grosse förderung gethan/lest michs E. All. Erleuch. vnd Heil.
billich geniessen/vnd krönet mich so wol/ das ich nicht anders
glaube E. All. Erleuch. vnd Heil. wolle eine sonderliche pracht
mit mir treiben/vnd mich ihrem Volck den Jüden zum ne-
wen Jahre schencken/das denn E. All. Erleuch. vnd Heil. ein
sonderlichen grossen ruhm vnd nahmen machet/ sintemal sol-
che insignia mitzutheilen/niemands anders als solchen Pros-
pheten vergönnet ist / etc.

Weil dem Aller durch Gott Erleuchtigster vnd Heilige-
ster Prophet / nunmehr offenbar / das wir sonderliche gute

A iij

Freund

Freunde/ich mich auch gantzlich getrost/E. All. Erleuch. vnd
Heil. werde mich nicht allein gerne hören / sondern auch mei-
ner in bestellung des neuen Jüdischen Reichs / jr sonderlich be-
fohlen sein lassen. Als hab ichs gewagt E. All. Erleuch. vnd
Heil. mit diesem Briefflein ersuchen / mich angeben / das erste
Votum vnd gratulation, ruhm / vnd als der Hohepriester (den
E. All. Erleuch. vnd Heil. selber mit dem gegebenen Titel er-
wehlet) einweyhen / vñ darneben dieselbe von ezlichen sachen /
darmit ihr vorhaben nicht gehindert / sondern gefördert / vnd
ich nicht ein vndanckbarer Jude / sondern ein danckbarer Sas-
mariter kegen E. All. Erleuch. vnd Heil. erfunden werde / be-
richten wollen / mit vnderthenigster bit / da ichs nicht förmlich
gnug fürbringen / vnd es aller ding also machen könnte / wie es
E. All. Erleucht. vnd Heil. gerne hette vnd werth were / das
dieselbe bis auff statliche verbesserung gnedigst zu frieden sein
wolle.

Ich habe wol kegen fünffteigen Weihnachten marck /
wo aber die Jüden so lang ruhig sein / in ein ziemliches Buch
diesen E. All. Erleuch. vnd Heil. Veruff vnd Anpt / gründlich
vnd wie man Ewer. All. Erleuch. vnd Heil. isige Weissagung
recht verstehen / vnd mit grossem tripudio annehmen solle / zu
bestetigen vnd ausführlich zu machen für mir / vnd wer mir
nichts liebers gewesen / als da ich vnd andere Leute so lang
für freuden warten können / weil aber das Jüdische Reich mit
gewalt fort eilt / eine solche freude vnter dem Volck / vnd ich
des anluffens / das ich berichten / vnd E. All. Erleuch. vnd
Heilig. zu mehr solcher Prophecey ursach geben sol / so viel /
das nicht aus zu sagen / hab ich kein fernern vmbgang haben
können / vnd auff solch gemein frolocken / bitten vnd begehren /
auch auff dismal etwas thun müssen.

Was hier fürs halben nachblieben / sol denn desto reichli-
cher

Her einbracht werden. Drum gedulde sich E. All. Erleuch.
vnd Heil. neben andern so lange/versehe mich gantzlich/das
gleich wie E. All. Erleuchte. vnd Heil. is und gelacht/hernach
wenn sie das ander gelesen/für freuden danken werde/etc.

Anfänglich danck ich Ewer Allererleuchtigsteit vnd
Heiligsteit/von grund meines Herzen/das sie mich nicht in
lügen stecken lassen/wie ich denn keinmal derwegen in zweifs
sel gewesen/denn im vorgedachten Tractet an den Freyhers
ren Anno 84. hab ich mit etlichen aus Ewer All. Erleuch.
vnd Heil. eigenen worten erwiesen / das dieselbe nicht
allein auff den letzten Noa vnd Propheten verträsten /
sondern auch sich selber darzu angeben: Hilff lieber Gott wie
ungern haben die Leute solches glauben wollen/ob wol E. All.
Erleucht. vnd Heil. eigene wort da sein/haben fürgeben / es
were nicht möglich/das E. All. Erleuch. vnd Heil. solches sein
könnte/oder solchs sich anmessen/ sintemal E. All. Erleuch. vnd
Heil. viel zu statlich/gelehrt vnd erfahren darzu / das sie von
Christo abfallen/ vnd sich zum Jüden schlagen solten/bis so
lange sie dis E. All. Erleuchte. vnd Heil. Prophecey mit grosser
verwunderung gesehen / wiewol der meiste theil solchs noch in
ihren dölpischen Kopff nicht bringen kan/wil sie es aber E.
All. Erleuch. vnd Heil. zu ehren künfftigen Weinachtē markt
wol weis machen. Ist sag ich noch einmal/sol es E. All. Er
leuch. vnd Heil. ewig danck haben/ das dieselbe sich redlich lö
set/vnd bin gewis/das wo E. All. Erleucht. vnd Heil. nger
geschwiegen/das die Esel in ihrer Mülle/ wie zu Bileams ze
iten/hetten reden müssen / wil es in meinem folgenden Buch
wieder gleich machen/etc.

Hierauff mus ich Ewer. All. Erleuch. vnd Heil. auch
offenbaren/wie ich vnd andere Leute solch E. All. Erleuch. vnd
A iij Heilig.

Heilig. skige Prophecey annehmen / denn ein Freund vnnnd
Landsman kan von dem andern wol leiden / sonderlich wir
beyde / die wir einander vnser lebtag nicht gesehen / aus der
massen gefellet mir dis erstlich / das E. All. Erleuch. vnd Heil.
so gar weislich / ja Göttlich vnnnd Prophetisch / so viel Jahr
darmit hinderm berge gehalten / vnnnd gleichwol immer almehs
lich etwas blicken lassen. Ich hab mich flux als ich E. All. Er
leuch. vnnnd Heil. ersten Calender mit den reimen zu Leipzig
(darüber E. All. Erleuch. vnd Heil. als sie gefertiget / ein Freu
densprung gethan / vnnnd gesagt / Gehet mir der Calender
glücklich von staten / so wil ich ein Man werden / darmit das
ist geschicht durch ihren Prophetischen Geist gewcissaget)
ansichtig worden / als bald solcher Prophetischen Offenba
rung zu E. All. Erleuch. vnd Heil. vermutet / noch hat es E.
All. Erleuch. vnnnd Heil. so fein heimlich halten / vnd sieder der
zeit so leise gehen können / auch vor fünff Jahren / wie auch
noch in der skigen Prophecey / vnd sehe es wol / das E. All. Er
leuchtigkeit vnd Heil. sich nicht gern selber ausdrücklich darfür
auffwerffen / sondern lieber wolle / das es andere Leute theten /
weil sie aber so grob / vnuerstendig vnnnd vndanckbar / wil ich
hie in dieser vnd folgender Schrifft thun / denn Fürsten vnnnd
Herren Sachen sol man heimlich halten / aber Gottes Werck
sol man offenbahren.

Es wirfft Titel / Figur auffn Titel / propositio vnd cons
firmatio E. All. Erleuch. vnnnd Heil. so artig zusammen / wie
Kirchen Zinnen / oder wie Sicks weise / der seet ein viertel
vnd befahm eine halbe Messe wieder / vnnnd kan ich mich vber
den hohen Prophetischen Geist / so in Ewer Aller Erleuch.
vnnnd Heiligst. nicht gnugsam verwundern / Ewer Aller Er
leuchtig. vnnnd Heilig. ist ein gewaltiger Drator / es gehet als
les auff drey Beinen / reimet sich / wie eine faust auff ein auge.
Mir

Mir sind noch solche artige Schrifften nicht viel fürkom-
men/ sintemal es nicht ein vngeschickter sein mus/ der die Ruds-
derwelsche Sprache vnd Sachen verstehen wil/ E. All. Er-
leucht vnd Heilig. braucht mit grosser Weisheit zu vbernas-
türlichen Wundersachen / wunderbarer wort/ vnd eins wun-
derbaren Methodi, denn Kunst wil gerethe haben/ etc.

Wer hat doch dem Propheten Gottes des alten Tes-
taments jemals in der ganzen Christenheit so vnter Augen
gesehen? Niemand: Die ganze Christenheit hat sie alle von
der Babylonischen Gefegnis / so wol auch der zerstörung
Jerusalem nach Christi Geburt / vnd vom Geistlichen Kö-
nigreich verstanden/ vnd auch wie vnrecht es aber/ vnd was
für eine grosse grewliche Blindheit sey/ weiset E. All. Erleuch-
vnd Heilig. welche zwar mit zweyen augen mehr gesehen/ vnd
noch ohne Brillen darzu / als Argus der derselben hundert
gehabt/ dauon auch nechst weitläufftiger/ etc.

Bisher ist vnter so viel hundert tausent Gelehrten kei-
ner gewesen/ der gewust/ was für ein Wunder im acht vnd
achzigsten Jahre geschehen solte/ auch kömpt E. All. Erleuch-
vnd Heilig. da es schier fürüber/ vnd ihr wenig die sich dar-
rumb bekümmern / vnd thun so gründlich vnd eigentlich/ als
wenn einer von Zwibeln redete / vnd der ander verstände
es von Knobloch / vnd erzeigen sich als ein newer Jude
wieder Christum / mechtig von Worten / vnd wenig von
Thaten/ etc.

Man hat es bis auff diese zeit dafür gehalten / das Do-
ctor Luther seliger/ der letzte Prophet were / vnd darumb von
ihm geschrieben/ mit dem wil Gott beschloffen habē/ jzt kömpt
B Ewer

E. All. Er. Vnd Heil. vnd spricht nein/beweists auch/wie der
Blinde die farbe/das nicht so sey/sondern:

Mit Mollero dem trefflichen Mann/
Darmit wil Gott beschlossen han.

Summa summarum/E. All. Erleuch. vnd Heil. ist ein
solcher Mann/dergleichen nach Christo keiner gewesen/auch
keiner kommen wird/wie ich denn solches/wie oft gemeldet/
im folgenden scripto ferner ausführlich machen wil E. All.
Erleuch. vnd Heil sind weit vber den/der Anno Christi 593.
in Franckreich sich für ein Prophet ausgeben/denn denselben
hatten nur die fliegen/E. All. Erleuch. vnd Heil. aber die gros-
sen Wespen vnd Hummeln beteubet. E. Aller Erl. vnd Heil.
sind auch mehr denn der Prophet zu Mens/Anno Christi
840. denn das war nur ein Weib/E. All. Erleuch. vnd Heil.
aber/Gott lob ein tapffer Mann/auffgericht wie ein Schüs-
selforb/E. All. Erleuch. vnd Heil. sind mehr denn Menis-
cken der Mällen/denn der wolte Anno Christi 1348. Marg-
graff Boldiener sein/vnd führet ein Krieg ganzer 9. Jahr/
den E. All. Erleucht. vnd Heil. ist noch ruhig/E. All. Erl. vñ
Heil. sind auch mehr dann der/der Anno Christi 1138. Key-
ser Heinrich sein wolte/denn Ewer All. Erleuch. vnd Heil.
suchen kein Keyserthumb/sondern nur der Jüden Messia-
Zimpt/vnd ist gleichsfals zu besorgen/da Ewer All. Er-
leuch. vnd Heilig. wie des Cantoris Fackel zu Lützen ausgehen
wird/et.

Das gefellet mir aber nicht/das E. All. Erleuch. vnd
Heilig. im Titel ihre Brüder der Jüden nicht gedeneckt/vnd
nur in genere von geengsten Herzen redet/wiewol wer
es verstehen wil/der hats deutlich genung/aus dem/das
vnter

unter der Figur gedruckt / Gaudete Filia Ierusalem, denn
das ist die Erklärung der geengsten Herzen / So gibet auch die
ganze Prophecey / vñnd bezeugets etliche mal / das Ewer
All. Erlich. vñnd Heiligkeit niemand anders als die Jüden
meine / etc.

Das Bild neben dem Titel ist jzt fein / wer besser wenn
sich E. All. Erleucht. vñnd Heil. hette wie Josuam oder der Jü-
den Messiam abcontrafeyen lassen / vñnd die Jüden hinter
sich / hernach Jerusalem zu / das Bild ist mehr auff der Chris-
ten Verstand gerichtet / als auff E. All. Erleucht. vñnd Heilig.
ich wil aber wol fleis anwenden / das E. All. Erleucht. vñnd
Heilig. jren rechten habit vñnd form bekomme.

Wenn E. All. Erleucht. vñnd Heil. sich nicht Bürger
geschrieben / were besser / denn der Bürger stand sich zu E. All.
Erleucht. vñnd Heil. nicht wol schicket. Der lezt Noa / Pros-
phet / der Jüden Josua oder Messias were besser gestanden /
etc.

Vñnd thut E. All. Erleucht. vñnd Heil. wie jener Bür-
germeister / welcher eines grossen Bischoffs Gast war / vñnd
da ihn der Bischoff hies besser hinter den Tisch rücken / Ant-
wortet / Gnedigster Herr / ich siße hier wol / denn er sas auff
des Bischoffs Sammeten stuel / die Katz sagt auch also / da sie
auff einer Speck seiten sas / etc.

Viel Leut sprechens E. All. Erleucht. vñnd Heil. sehr vbel /
das dieselb auff mich so zornig / vñ mein person / so wol meiner
guedigē Herrschafft Superintendentē ampt so gering schesig-
helt / wollen es E. All. Erl. vñ Heil. gern zur leichtfertigkeit zu-
messen / geben fur / es zieme ein solchen erleuchten heiligē Pros-
pheten nit / gehen damit vmb / das ich von E. All. Erl. vñ Heil.

abfalle solte/ damit die sache desto langsamer forgang gewin-
nen: Aber ich entschuldige E. All. Erleuch. vnd Heil. also/ das
dieselbe darumb schellig/ das ich für der zeit/ vnd ehr als sonst
einer offenbaret/ ich hette sollen schweigen bis ihund/ würde es
so viel desto mehr ansehen haben. Jha sagen sie weiter/ solchen
Propheten solte man nicht zu zorn bewegen/ denn er sonder
zweiffel an derselbigen zornigē wort stat/ vñ noch etwas mehr
heimligkeit offenbaret/ die also im zorn nachblieben. Ich ant-
wort/ was seine All. Erleuch. vnd Heil. vergessen/ wil ichs weit
mein recht Scriptum kommen wird/ recompensiren/ oder das
ers selber thure hiermit anreizung geben/ etc.

Es solte aber euch nicht Caster heissen. R. sein All. Erleuch.
vnd Heil. hat es macht/ weil ich mich erstlich so genennet/ do
ich seiner E. All. Erleuch. vnd Heil. an dreien unterschiedenen
vnd nicht gar weit von einander locis. in mein schreiben vom
alten vnd neuen Calender/ wiewol oblique, gedacht/ vnd das
aus Demut/ denn es wirds ein jeder bekennen/ vnd sagen
müssen/ das mir es jzt auch gebären wollen/ etc. Ehrgeiz vnd
hoffertig schild er mich/ das ich ihm vorgriffen vnd sein heime-
ligkeit ehe offenbaret/ als er selber. Teuffels lügen Geist: das
ich wie alle andere/ bis daher/ die Prophecey nicht also/ wie
seine All. Erleuch. vnd Heilig. verstanden/ das mus weder
mich noch sonst jemand anders anfechten/ die alten Propheten
haben auch gedornert/ vnd vns des trösten/ das es nicht lange
wehren wird/ etc.

Das halten E. All. Erleuch. vnd Heil. jr viel grösser für
vbel/ das dieselbe als ein so hocheleuchter vnd begabter Pro-
phet/ sich hore leffet/ als woltē sie gerne ein Han Prophet sein/
denn der Han hat den Christ verleugnen Petrum offenbah-
ret/ solle nun E. All. Erleuch. vnd Heil. auch ein solcher Pro-
phet sein/ wollen sie es dahin deuten/ als kreet dieselbe den Leu-
ten auch nur zu dem ende für/ das sie Christum verleugnen
solten/

solten/welches sehr schwer/vnd ohn E. All. Erleuch. vnd Heil.
Leibes gefahr nit zugehen werde/etc. E. All. Erleuch. vnd Heil.
habens nicht recht eingemessen/Han Prophet hab ich E. All.
Erleuch. vnd Heilig. genennet/das gleich wie für eklichen Jas
ren ein schreiben vmbgetragen wurde/von ein neuen Prophe
ten/das doch nur ein kurzweilig Gedicht war/von ein Han/
welches viel Leut mit verwunderung lasen. Also würde E. All.
Erleuch. vnd Heil. auch das gereisse haben/vnd endlich wie
derselbige Han Prophet / mit ein frembden gelechter ein ende
nam. Wie aber E. All. Er. vnd Heil. noch gerne einer zu sein/
vnd den Nahmen zu haben begeret/wil ich E. All. Erleuch. vnd
Heil. wie man den zu ehren defendiren kan / in mein fünffti
gen Schreiben darthun vnd erzeigen/Ewer All. Erleuch. vnd
Heilig. gebe sich nit so bald blos / sonst sagen die Leute/das ist
ein Prophet/wie Hans Vater ein Wunderman/ etc.

Eins theils sprechen/wenn man in für den letzten Pro
pheten halten sol / so mus er sonderliche Offenbarung haben/
vnd die mit Wunderwerken bestetigen/die habe ich noch nicht
gesehen/Ergo bonus dies, &c.

Ich antworte/Hat er nicht Gesichte? so hat er nicht aus
dem Gestirne gesehen / das er ein Prophet werden sol? Hat er
nicht sonderliche Gesicht vnd Geist? die alten Propheten an
ders zu deuten / als die ganze Christenheit? so thut er ja auch
wunder/den das ist ein gros wunder/das ers wage vnd heraus
darff/das er ein solch verwundern vnter den Leuten anricht/
das ers kan vnd darff drucken lassen/vnd niemand weis wo/
vnd das er vnd diese seine Weissag gelidten würde/etc. freilich
sein da wunder/etc. vnser keinem würde es angehen/ etc.

Weil es aber Allererleuchtigster vnd Heiligster Prophet/
die Leut nicht für so grosse wunder halten/so thu doch E. All.
Erleuch. vnd Heil. andere wunder/bringe den Eyerberg zu
Zwickaw in die Stad/vnd bawe Jerusalem drauff/oder füre

die Mulda zurings umbher/oder schraube Wildenfels vnd
Hartenstein zusammen/oder richte das vorlengst verfallene
Silber Bergwerck in der Lesniz wider auff/vnd schaffe gute
Rucks dahin/werden meine Freunde daselbst auch mehr von
jhr halten als sonst/ete. Meinethalben darff es E. All. Erl.
vnd Heil. nicht thun/wie es auch wol nachbleiben wird/denn
ich die andern viel grösser halte/allein vmb gemeinen Mans
willen/thue E. All. Erleucht. vnd Heil. so sie was thun kan
vnd wil/ete.

Ich gebe ihnen wol auch das fur ein gros wunder für/
das E. All. Erleucht. vnd Heil./aus ein geringen Stand des
Dorffs Schencken/zu dieser hoheit erhaben/aber sie wollens
fur kein wunder halten/sintemal auch die ausgeschiedten/so
das Land Jericho verkunfft schaffen solten/von einer Hirtin
sein auffgenommen/vnd ihr hernach die Ehr gethan wor
den/das man jr vnd jres Hauses verschonet/drumb las sich
E. All. Erleucht. vnd Heil. nicht vns anders sehen/ete.

Ich kan demnach auff dismal in eile für vnaussprech
licher freude nicht mehr/als das ich E. All. Erleucht. vnd Heil.
wie sie es denn mit ihrem newen Ehrentittel vmb mich wol
verdient/vnd darzu anbeten/zu solchem ihrem newen vnd
letzten Propheten ampt einweihet: Höret derhalben ihr Him
mel vnd du Erde/vnd alles was drinnen lebet vnd schwebet/
dis ist der/der noch hat kommen sollen/daruon im Daniele
vnd Offenbarung Johannis geweissaget/alle vor diesem/
sind Lügner gewesen/in der ganzen Christenheit hat noch
nicht keiner die Schrifft recht verstanden/Christus selber
nicht/der ist der/der den Jüngsten Tag recht ausrechnen sol/
der wird es thun/auff den gebet acht/jr werdet wunder sehen/
was er forthin/seiner/in dieser Weissagung am ende zusage/
noch fur wunder Göttliche Sachen aus der Schrifft fur
bringen wird/sonderlichen wenn das anlegen des 1590. Jar
fom

Kommet/denn er alles nach seiner eignen ersten vnd fünffjähri-
gen Prophecey forthin halten vnd erfüllen wird/denn wird
jederman sagen vnd bekennen müssen/das er der / darsür er
sich ausgibet/drumb nim ihn an Himmel vnd Erden / vnd
was drinnen ist/wirstu es thun/wirstu Gottes fluch/wirstu es
aber nicht thun/Gottes Segen haben/den er alle den jenigen
verheischen/die solcher Prophecey gehorsam oder nicht.

Ihr Jüden/wo seit ihr? Wollet ihr euch zu diesem ewi-
gen Propheten nicht einstellen? Ich sage euch der auch mehr
ist als ein Prophet/der ist euer Messias / auff den ihr bisher
nach Christo / welchen ewer Vorfahren erwürget/gehoffet/
das ist ewer Josua / der wird euch wieder ins gelobte Landt
bringen/vnd ewer Königreich auffrichten/obs gleich wieder
Gottes Wort vnd die Predigten des Jesu von Nazareth/lig
nichts an/Mollerus mus es thun / der sols sein/der hat das
ansehen darzu / findet euch in der zeit zu ihm / gebet euch bey
ihm an/wenn er kömpt/mahlet bey ihm eher/uber ein Jahr
wil Gott/wird er im grossen Wetter einziehen / denn sperret
alle fenster auff / vnter des haltet ihn in ehren/tragt ihn auff
den Henden/last ihn nicht zur Erden kommen. Ewer Bäs-
ter haben auch Propheten gehabt / aber dergleichen nicht/
drumb sie dieselben auch wol genug geplaget vnd umbbracht
haben/dis ist der letzte/drumb gebt ihm gute/thut ihm gütlich.

Ihr könnet es nicht anders machen/ihr nehmet ihn fur
den Obersten an/denn er darff nicht wie die Alten Gott fra-
gen/er sihet es im Gestirn/was Gott zethan vnd gelassen ha-
ben wil/srewet euch/srewet euch/ewer heil ist euch ist neher als
ir meinet/die Nacht ist vergangen/der Tag aber herbey kom-
mē/Er siht euch do sein zum anzuge/vñ wird in euch die Stad
Zwickaw furwar nit folgen lassen/denn man sol solche Perlen
B iij nicht

nicht für die Sew werffen/drummb da sie nicht wollen/seid ihr
starck genug/ holet ihn mit gewalt/er wird es gern thun/vnnd
mus im der Mon bey Tag/vnd die Sonne bey Nacht scheis
nen/wenn ers haben wil/ so kan er das Gestirn durch seine
Propheetische macht zwingen/samlet ewer Gut/ das ihr vnter
den Heyden erschunden/zusammen/wo ihr schuld aussen/forz
dert sie ein / laufft mit den vorsezten Pfanden darvon/Jeru
salem wil Gelt haben wider zu bawen/nemet was ihr fortbrin
gen könnet/haben es doch ewer Peter auch gethan / vnnd ist
euch keine Sünde/vergesset aber ewern Propheeten nicht / der
ehr solt jr vmb all ewer Güter nicht entberen/ das ein getaufft
ler Christ ewer Propheet wird/etc.

Ihr Christlichen Potentaten/ sollet auch dieses neuen
vnnd letzten Propheeten Weissagung nach / den Jüden darzu
helffen/das rath ich auch / darmit sie dermal eins mit ihrem
Propheeten möchten aus dem Lande kommen/den sie mutwils
lens genug gestiftet / vnnd fast der ganzen Welt Gut/durch
sren Bucher an sich bracht/ folget dem Propheeten/vnd gebet
achtung/das die Jüden hierdurch nicht wider auffrührisch wer
den/vnd ein tumult anrichten/die nicht leichtlich zu stillen. Es
saget der Propheet wol/ es sol Deutschland nicht schaden/wie
aber andern Königreichen Christliches Glaubens? vnnd wer
weis was er noch im sinn vnnd in der feder/darmit er ist nicht
heraus wil? Drummb jr Potentaten/weil ihr bey der Christen
heit kein Gottes lohn verdienen könt/wenn jr die schüzet/sonz
dern euch den als rechte nutritores Ecclesiae erzeiget/wenn jr
zum neuen Judenthumb helffet/ zweiffel ich nicht/ihr werdet
es mit sonderlichem fleis verrichten/etc.

Jr der erbar Rath zu Zwieckaw bedürfft keiner erinnerung/
vnnd zweiffel ich nicht / weil ihr der ganzen Welt Schatz an
den letzten Propheeten bey euch/den euch Gott vererawet/ihr
werdet von euch selber euch gegen jm zu erzeigen wissen/in bes
tracht

erachtung das solches von ehlichen albereit vor lengst geschet
hen sein solle:versehe mich / ihr werdet ihm das Churfürstliche
Schlos zur Wohnung ausbitten / denn er aller Ehren werth /
do jr ihm auch gleich mit dem maul wider die Tischdecke stof-
set / etc.

Euch den Herren des Ehrwürdigen Ministerij in vnd
auffer der Stad wil obliegen / das ihr euch in allen Predigten
bey jm recht erholet / vnd wie ers euch erkleret / auch ausleget /
in ewer Kirchen de meliori nota mit allem fleis comendiret /
vnd ewern Pfarkindern anzeiget / das eine sonderliche Gnade
Gottes / das vnser HErr Gott ihre Stad mit dem Mann bes-
gabet / (denn sie viel ein grössern namen durch in bekommen)
als Herostratus / der der Diana Tempel zu Ephesi anzündet
vnd abebrand / welcher das aller furtrefflichste gebew in ganz
Asia gewesen / sintemal diese seine Weissagung in alle Lender
vnd Sprachen kommet / jenes Nahmen aber auffzuzeichnen
verboten worden / euch / sage ich / wil gebüren / das ihr ihn / wie
er werth vnd verdienet / heraus streichet / etc.

Ach das doch die Poeten vnd Oratores ihre Kunst bez-
wiesen / vnd ihn auff jre weise empfangen / vnd sein lob preise-
ten / etc. O faule Mahler seit ihr / das ihr das All. Erleuch.
vnd Heil. Angesicht nicht ausstreichet / gleubet mir / es werde
ein gereis drum sein / wie im Marcolphum oder Eulenspie-
gel / denn es die Krafft an sich / wenn man es vber ein Küchen
Thür setzt / sonderlich wenn es in Rhugils gegessen / kein hund
hinein gehet / er bellete sich ehr zu Tode / etc.

Die Historici versehe ich mich werden das beste thun / die
werden es alles mit fleis auffmercken / vnd der Sachen
würdigkeit nach / also machen / das er der letzte Prophet sey vnd
bleibe / denn weil sie die aller grösten Bubenstück auffgezeich-
net / kan es nicht wol sein / das sie dieses löblichen vnd denck-
würdigen furnehmens vergessen solten / etc. Wiewol mir aber
sollet

follet nun jr Herrn von Bieberstein/Rath vnd Bürgerschaft
zum Forst/auch das für eine grosse Ehr vnd Ruhm anziehen/
Das ihr ein solchen Superintendenten vnd Pfarrer/der der
erste vnd fürnemste/den dieser Himlische vnd letzte Prophet
der Welt so ehret/vnd ihm zeugnis giebet/das er für allen an
dern ihm am meisten sein fürhaben fördere/vnd forthin fürs
dern werde/zweiffel auch nicht/es werde mir bey allen für die
es kömmet/rühmlich sein/denn/Hæc vera laus est quæ pro
ficiscitur ab ijs, qui ipsi in laude vixerunt. Das ist/wie es
das alte Deutsche Sprichwort erkleret / Wenn einen ein
Schelm lobet / vnd eine Hure schilt/ist eins wie das ander/
etc. Vnd rufft kein Vogel sein eignen Namen aus/als der
vnd danckbaere Kuckuck/etc.

Ihesu von Nazareth du must zum Lügner werden/Mo
lerus der hat dich vberwunden vnd eingetrieben / wiltu aber
ferner vns gelten/wirstu es gewaltig weislich angreifen müs
sen. O Mollerus ist dir viel zu klug/was wiltu machen? er hat
so ein gewaltiges/ja Gottes auserlesenen Volck zum beystande
de / sie haben Gelt genug / ihr Consorten derer viel hundere
tausent/werden den Türcken bald schlagen / dieselbige mache
durch iren Propheten wider dich richten vnd brauchen / was
wiltu denn machen? Wo wiltu hin?

Schliesslichen/Allererleuchteter vnd Heiligster Pro
phet / bitte ich Gott den HERN von grund meines Her
zens/er wolle dis E. All. Erleucht. vnd Heil. fürhaben/wie es
zu sein lob/ehr vnd preis/vnd zur wolffart seiner Kirchen ge
reichet/gnediglich fördern/E. All. Erleucht. vnd Heilig. lang
leben/vnd kurz Brot essen lassen/dieselbe behüten/das sie nie
gar im Prophetischen Geist so verrückt vnd ensückt werde/
das man sie in Bolwerk vnd Gewelbe verwahren müsse/
wiewol(vnd wie ich glaube das E. All. Erleuch. vnd Heil. das
rumb also gethan) die Hundstage nun fürüber/vnd derhalben
fcus

Keine fehrliche zeit mehr vorhanden/als die Kirmessen/vnnd
auffs ander Jahr die Fasnacht/da wil sich E. All. Erleuch. vñ
Heil. ja wol fursehen/das sie sich an jren Bettern den Has
nen/vnd den sichtigen Genselen nicht vberfülle / oder irgend
mit vnter die Nummerrey verstecke/vnd also ihre jhige Repu
tatio erhalte.

Dieselbe E: All Erleuch. vnnd Heil. bitte ich auch vns
gertheniglich/wolle dis mein Schreiben nicht hönisch anneh
men / denn es warlich mein ernst so gewis/als ich lust habe
Fewr zu essen/oder mich zu erseuffen / vnnd da es dieselbe E.
All. Erleuch. vnd Heil. noch nicht glauben wil/sol bald vnd er
sichs dieselbe versihet/ ein ernstem bekommen. Hiermit E.
All. Erleucht. vnd Heilig. ihrem Gott befohlen/den 19. Seps
tembris des newen Calenders/in grosser eil fur freuden / als
ich nur E. All. Erleucht. vnnd Heilig. Weissagung erstlich
ansichtig wurde/vnnd halde wider weg geben muste/etc. Ano
no 1588.

D, Zacharias Riüander,


Le 702 07

Faint, illegible text, likely bleed-through from the reverse side of the page.

D. ...

126





B.I.G.

Farbkarte #13

Black
3/Color
White
Magenta
Red
Yellow
Green
Cyan
Blue

B. m. II

Zc
7102

VLATIO.

Allererleuch.

/ vnnnd Heiligsten M.

Astronomum Crimni
id Propheten/nicht allein der Jü
Belt/der sich in diesem 88. wun
r Weissagung / durch Gottes
e/zu Zwickaw/mit seiner
Prophecey/wunders
ren vnd sehen
lesset.

X 1997462

BIBLIOTHECA
PONICKAVIANA

schrieben.

vnd einleitung zu die
em Propheten ampt/vnd
g für die/in seiner weis
rzeigeete Ehrens
tittel.

Durch

rum, der heiligen Schrifte
übersteinischen Superintens
zu Forst / etc.

D. LXXXVIII,

